

Prvi zamjenik visokog predstavnika se sastao sa predstavnicima 'Naše stranke'



Prvi zamjenik visokog predstavnika, Raffi Gregorian, sastao se danas sa predsjednikom Naše stranke, Bojanom Bajićem i članom Izvršnog odbora, Dennisom Gratzom.

Tokom sastanka oni su razgovarali o trenutnoj političkoj i ekonomskoj situaciji u zemlji, te o koracima koje je potrebno poduzeti za reformisanje političkog sistema kako bi se političari učinili odgovornijim prema biračima, kao i efektivnijim u zastupanju interesa istih.

Bojan Bajić i Dennis Gratz su također izvijestili prvog zamjenika visokog predstavnika o planovima Naše stranke u predstojećem periodu, te planovima vezanim za opće izbore 2010. godine.

Raffi Gregorian je čestitao predsjedniku Bajiću na rezultatima koje je stranka ostvarila na općinskim izborima, posebno imajući u vidu činjenicu da je ova stranka osnovana samo nekoliko mjeseci prije izbora.